

სატენდერო განცხადება

ტენდერის ტიპი	ერთეობიანი ელექტრონული ტენდერი
შემსყიდველი	შპს „თბილისის სატრანსპორტო კომპანია“
დაფინანსების წყარო	2016-2017 წლის საკუთარი შემოსავლები
შესყიდვის სავარაუდო ღირებულება	1'163'216 ლარი
სატენდერო წინადადება წარმოდგენილი უნდა იყოს	დღგ-ს გათვალისწინებით
კლასიფიკატორის (CPV) კოდი და კლასიფიკატორის დანაყოფი 66500000	
კლასიფიკატორის (CPV) კოდი და შესყიდვის კონკრეტული ობიექტი 66510000	
შეთავაზების ფასის კლების ბიჯი	11'632 ლარი



თანამშრომელთა სამედიცინო დაზღვევის (მრავალწლიანი 2016-2017 წ.) მომსახურების (CPV 66500000; 66510000)

სახელმწიფო შესყიდვის სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანების საფუძველზე.

ქ.თბილისი

2016 წ.

1. ინსტრუქცია ტენდერში მონაწილეთათვის

- 1.1 ელექტრონული შესყიდვა ტარდება სახელმწიფო შესყიდვების ერთიანი ელექტრონული სისტემის (შემდგომში - სისტემა) მეშვეობით.
- 1.2 სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.
- 1.3 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში, მათ უნდა დაერთოს ნოტარიულად დამოწმებული ქართული თარგმანი.
- 1.4 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
- 1.5 სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ასეთის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).
- 1.6 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 1.7 ტენდერის ჩატარების შესახებ განცხადებით ან/და სატენდერო დოკუმენტაციით მოთხოვნილი ინფორმაციის არასრულად წარმოდგენამ ან ისეთი სატენდერო წინადადების წარმოდგენამ, რომელიც არ პასუხობს ტენდერის ჩატარების შესახებ განცხადების ან/და სატენდერო დოკუმენტაციის ყველა მოთხოვნას, შესაძლებელია გამოიწვიოს ტენდერში მონაწილე პრეტენდენტის დისკვალიფიკაცია.
- 1.8 „გამარტივებული ელექტრონული ტენდერისა და ელექტრონული ტენდერის ჩატარების წესის“ შესახებ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-2 მუხლის პირველი პუნქტის „კ“ ქვეპუნქტით გათვალისწინებული სტატუსის მინიჭებიდან ამავე პუნქტის „მ“ ქვეპუნქტით გათვალისწინებული სტატუსის მინიჭებამდე, არაუგვიანეს 24 საათისა, ნებისმიერ მიმწოდებელს უფლება აქვს სისტემის მოდულის – „კითხვა/პასუხის“ მეშვეობით მოსთხოვოს შემსყიდველ ორგანიზაციას სატენდერო განცხადებისა და სატენდერო დოკუმენტაციის დაზუსტება.
- 1.9 სატენდერო დოკუმენტაციის შესახებ დამატებითი ინფორმაციის და შესყიდვის პროცედურების შესახებ განმარტებების მისაღებად, მიმართეთ სატენდერო კომისიის აპარატის წევრს - ნინო ყანჩაველს ტელ: (+995 32) 2-35-77-77 (1603) ელ. ფოსტა: Nkanchaveli@metro.ge. მის: ქ. თბილისი, ვაგზლის მოედანი №2.

2. ტექნიკური დოკუმენტაცია

2.1 შესყიდვის ობიექტი

- 2.1.1 შესყიდვის ობიექტს წარმოადგენს - ელექტრონული ტენდერის საშუალებით - **თანამშრომელთა სამედიცინო დაზღვევის (მრავალწლიანი 2016-2017 წ.) მომსახურების (CPV 66500000; 66510000)** სახელმწიფო შესყიდვა.
- 2.1.2 გასაწევი მომსახურების ტექნიკური მახასიათებლები განისაზღვრება სატენდერო დოკუმენტაციის დანართი #2-ის შესაბამისად.

2.2 მომსახურების გაწევის ვადა და ადგილი

- 2.2.1 მომსახურების გაწევის ვადა: ხელშეკრულების გაფორმების თარიღიდან 12 (თორმეტი) თვის განმავლობაში.
- 2.2.2 მომსახურების გაწევის ადგილი, სადაზღვევო არეალი - საქართველო.

2.3 სატენდერო წინადადების ღირებულება

- 2.3.1 სატენდერო წინადადების ღირებულება და პრეტენდენტის მიერ წარმოსადგენი მომსახურების ხარჯთაღრიცხვა განისაზღვრება სატენდერო დოკუმენტაციის დანართი №1-ის შესაბამისად.
- 2.3.2 სატენდერო წინადადებაში საერთო და ერთეულის ღირებულება გამოსახული უნდა იყოს საქართველოს კანონმდებლობით გათვალისწინებული და გასაწევ მომსახურებასთან დაკავშირებული ყველა გადასახადისა და გადასახდელის ჩათვლით, გარდა საშემოსავლო გადასახადისა.
- 2.3.3 სატენდერო წინადადების საერთო და ერთეულის ღირებულების წარმოდგენა დასაშვებია მხოლოდ ლარში.

2.4 ანგარიშსწორების პირობები

- 2.4.1 ანგარიშსწორება განხორციელდება უნაღდო ანგარიშსწორების ფორმით ლარში.
- 2.4.2 ანგარიშსწორება მოხდება 2016-2017 წლის საკუთარი შემოსავლებით.
- 2.4.3 ანგარიშსწორება განხორციელდება ყოველთვიურად, ყოველი საანგარიშო თვის მომდევნო თვის 15 რიცხვამდე, ხელშეკრულების შესაბამისად გაფორმებული მიღება-ჩაბარების აქტის წარდგენის საფუძველზე.
- 2.4.4 იმ შემთხვევაში, თუ პრეტენდენტი (შემდგომში გამარჯვებული კომპანია) მომსახურების გაწევას დაიწყებს თვის 2, 3, 4 და ა.შ რიცხვიდან (ხელშეკრულების პირობების შესაბამისად), ანაზღაურება განხორციელდება თვიური გადასახადის პროპორციულად, დღეების მიხედვით.
- 2.4.5 წინასწარი ანგარიშსწორება (ავანსი) არ გამოიყენება.

2.5 ალტერნატიული წინადადება

პრეტენდენტს არ აქვს უფლება წარმოადგინოს ალტერნატიული წინადადება.

2.6 პრეტენდენტის მიერ სისტემაში ასატვირთი დოკუმენტაცია

- 2.6.1 სატენდერო დოკუმენტაციით გათვალისწინებული დანართი №1 (მომსახურების ხარჯთაღრიცხვა). აღნიშნულ დანართში პრეტენდენტის მიერ მითითებულ უნდა იქნას სატენდერო წინადადების ფასი 2.3.2 პუნქტის გათვალისწინებით, მომსახურების საერთო და ერთეულის

- ღირებულებები საქართველოს კანონმდებლობით დადგენილი ყველა გადასახადის ჩათვლით, ამავე დანართით გათვალისწინებული პირობების შესაბამისად.
- 2.6.2 სატენდერო დოკუმენტაციით გათვალისწინებული დანართი №2 (ტექნიკური პირობები), ამავე დანართით გათვალისწინებული პირობების შესაბამისად.
- 2.6.3 სატენდერო დოკუმენტაციით გათვალისწინებული დანართი №3 (პრეტენდენტის რეკვიზიტები) ამავე დანართით გათვალისწინებული პირობების შესაბამისად.
- 2.6.4 პრეტენდენტის მიერ ერთიან ელექტრონულ სისტემაში სატენდერო დოკუმენტაციასთან ერთად ატვირთული უნდა იყოს სათანადო სადაზღვევო საქმიანობის განხორციელების ლიცენზიის ასლი.
- 2.6.5 პრეტენდენტის მიერ ერთიან ელექტრონულ სისტემაში სატენდერო დოკუმენტაციასთან ერთად ატვირთული უნდა იყოს ინფორმაცია პროვაიდერი ლიცენზირებული სამედიცინო დაწესებულებების (ჰოსპიტალური, ამბულატორიული, სტომატოლოგიური) შესახებ.
- 2.6.6 პრეტენდენტის მიერ ერთიან ელექტრონულ სისტემაში სატენდერო დოკუმენტაციასთან ერთად ატვირთული უნდა იყოს ინფორმაცია ქ. თბილისის ტერიტორიაზე ოჯახის ექიმების მინიმუმ 5(ხუთი) სხვადასხვა ლოკაციის შესახებ.
- 2.6.7 პრეტენდენტის მიერ ერთიან ელექტრონულ სისტემაში სატენდერო დოკუმენტაციასთან ერთად ატვირთული უნდა იყოს 2.7.2 ქვეპუნქტით განსაზღვრული მოთხოვნის დამადასტურებელი დოკუმენტ(ებ)ი.
- 2.7 დამატებითი ინფორმაცია**
- 2.7.1 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა უნდა დასაბუთდეს აკრედიტებული ორგანოს/პირის მიერ გაცემული ექსპერტიზის დასკვნით. ფასწარმოქმნის ადეკვატურობის დასაბუთებაზე ვრცელდება „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-12 მუხლის მე-11- მე-14 პუნქტებით განსაზღვრული წესები.
- 2.7.2 ტენდერში მონაწილე პრეტენდენტის მიერ 2015-2016 წლების განმავლობაში (სსიპ საქართველოს დაზღვევის სახელმწიფო ზედამხედველობის სამსახურის მონაცემებით) მოზიდული პრემია (სამედიცინო - ჯანმრთელობის დაზღვევის კუთხით) უნდა შეადგენდეს არანაკლებ **5000000 ლარს**, ამასთანავე, ამავე პერიოდში (სსიპ საქართველოს დაზღვევის სახელმწიფო ზედამხედველობის სამსახურის მონაცემებით) ანალოგიურ მომსახურებაზე (სამედიცინო - ჯანმრთელობის დაზღვევის კუთხით) ანაზღაურებული ზარალის ოდენობა (ბრუტო) უნდა შეადგენდეს 2015-2016 წლების განმავლობაში მოზიდული პრემიის (არანაკლებ 5000000 ლარი) არანაკლებ **60%-ს**.
- 2.7.3 გამარჯვებული კომპანიის მიერ შემოთავაზებული უნდა იყოს ქ. თბილისის ტერიტორიაზე ოჯახის ექიმების მინიმუმ 5 (ხუთი) სხვადასხვა ლოკაცია.
- 2.7.4 სადაზღვევო კომპანია ვალდებულია, შესთავაზოს შემსყიდველის თანამშრომლებს, რომელთაც სურთ გაუმჯობესებული სადაზღვევო პაკეტით სარგებლობა, გაუმჯობესებული სადაზღვევო პაკეტის არანაკლებ 3 (სამი) ვარიანტი. თანამშრომლის მიერ რომელიმე გაუმჯობესებული სადაზღვევო პაკეტის არჩევის შემთხვევაში, შემსყიდველი დაფარავს საბაზისო პაკეტის ღირებულებას (ბოლო ფასის შესაბამისად), თანამშრომელს დაუქვითავს ხელფასიდან სხვაობას საბაზისო პაკეტის ღირებულებასა და არჩეულ, გაუმჯობესებულ (ინდივიდუალური ან საოჯახო) პაკეტის ღირებულებას შორის და გადაურიცხავს სადაზღვევო კომპანიას.
- 2.7.5 პრეტენდენტის მიერ წარმოდგენილი სხვა დამატებითი პირობები სატენდერო კომისიის მიერ არ განიხილება და შესაბამისად, ხელშეკრულების გაფორმებისას არ იქნება გათვალისწინებული.
- 2.7.6 გამარჯვებულ პრეტენდენტთან ხელშეკრულება გაფორმდება მხოლოდ სატენდერო დოკუმენტაციაში მოცემული ხელშეკრულების შესაბამისად.
- 2.7.7 დისკვალიფიკაციას დაექვემდებარება პრეტენდენტი, ტექნიკური პირობების მე-17 მუხლში ჩამოთვლილზე მეტი დასაშვები გამონაკლისის წარმოდგენის შემთხვევაში.
- 2.7.8 ყველა შემთხვევა, რომელიც არ არის გათვალისწინებული მე-17 მუხლში (დასაშვები სადაზღვევო გამონაკლისები, რომლებიც არ ანაზღაურდება), ცალსახად ექვემდებარება ანაზღაურებას.
- 2.7.9 იმ შემთხვევაში, თუ პრეტენდენტი არ დაეთანხმება სატენდერო დოკუმენტაციაში მოცემული ხელშეკრულების პროექტის შესაბამისად ხელშეკრულების გაფორმებას, განხორციელდება მისი დისკვალიფიკაცია.

3. პრეტენდენტის მიერ წარმოსადგენი საკვალიფიკაციო დოკუმენტაცია

- 3.1 საკვალიფიკაციო მონაცემების სახით პრეტენდენტმა უნდა წარმოადგინოს შემდეგი დოკუმენტები:
- 3.1.1 ცნობა შესაბამისი უფლებამოსილი ორგანოდან, რომ მათ მიმართ არ მიმდინარეობს გადახდისუნარიობის საქმისწარმოება.
- 3.1.2. ცნობა შესაბამისი უფლებამოსილი ორგანოდან, რომელიც ადასტურებს, ბიუჯეტის წინაშე პრეტენდენტის დავალიანების არ არსებობას.
- 3.1.3. . ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან.
- 3.2. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყების შემდეგ, ხოლო არარეზიდენტი პრეტენდენტის შემთხვევაში – „გამარტივებული ელექტრონული ტენდერისა და ელექტრონული ტენდერის ჩატარების წესის“ შესახებ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-2 მუხლის პირველი პუნქტის „ლ“ ქვეპუნქტით (სტატუსი - სატენდერო წინადადებების მიღება დაწყებულია) გათვალისწინებული ეტაპის დაწყებამდე არა უგვიანეს ოცდაათი დღისა.
- 3.3. სატენდერო დოკუმენტაციის 3.1 პუნქტით გათვალისწინებული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები შემსყიდველ ორგანიზაციაში წარმოდგენილ უნდა იქნეს სატენდერო კომისიის მოთხოვნის შესაბამისად. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ

გაცემული საკვალიფიკაციო მონაცემების დამადასტურებელი სათანადოდ დამოწმებული დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

4. ხელშეკრულების შესრულების გარანტია

- 4.1 სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესი“-ს 21-ე მუხლის საფუძველზე, ტენდერში გამოყენებული იქნება ხელშეკრულების შესრულების გარანტია, თუ ხელშეკრულების საერთო ღირებულება შეადგენს ან აღემატება 200 000 ლარს.
- 4.2 ტენდერში გამოიყენება ხელშეკრულების შესრულების გარანტია, ხელშეკრულების საერთო ღირებულების 4,5%-ის ოდენობით, ხოლო, იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალი იქნება შესყიდვის ობიექტის სავარაუდო ღირებულებაზე, ხელშეკრულების შესრულების გარანტია ნაცვლად 4,5%-ისა განისაზღვრება 9%-ის ოდენობით.
- 4.3 გამარჯვებული პრეტენდენტის მიერ ხელშეკრულების შესრულების გარანტია წარმოდგენილი უნდა იყოს საბანკო დაწესებულებიდან, ხელშეკრულების დადებამდე.
- 4.4 ხელშეკრულების შესრულების გარანტიის მოქმედების ვადა მინიმუმ 30 კალენდარული დღით უნდა აღემატებოდეს მომსახურების გაწევის საბოლოო ვადას.
- 4.5 ხელშეკრულების შესრულების გარანტიის წარმოდგენა ხორციელდება სისტემის გამოყენების გარეშე.

5. ხელშეკრულება სახელმწიფო შესყიდვის შესახებ №

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი

ერთი მხრივ, შპს „თბილისის სატრანსპორტო კომპანია“ (მის: ქ. თბილისი, ვაგზის მოედანი №2), წარმოდგენილი - ----- სახით (შემდგომში „შემსყიდველი“) და მეორე მხრივ, _____ (იურიდიული მის: ქ. თბილისი, _____) წარმოდგენილი - _____ სახით (შემდგომში „მიმწოდებელი“), „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ქ“ ქვეპუნქტის, სახელმწიფო შესყიდვების სააგენტოს 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნათა შესაბამისად და შემსყიდველის მიერ გამოცხადებული ელექტრონული ტენდერის (_____ სახელმწიფო შესყიდვა) საფუძველზე, ვდებთ სახელმწიფო შესყიდვის შესახებ ხელშეკრულებას შემდეგზე:

1. ტერმინთა განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. ხელშეკრულება სახელმწიფო შესყიდვის შესახებ (შემდგომ – „ხელშეკრულება“) – შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით, კერძოდ:
 - 1.1.1 მომსახურების ხარჯთაღრიცხვა (დანართი №1).
 - 1.1.2 ტექნიკური პირობები (დანართი №2).
 - 1.1.3 პრეტენდენტის რეკვიზიტები (დანართი №3).
 - 1.1.4 ხელშეკრულების შესრულების უზრუნველყოფის გარანტია (შემდგომში „საბანკო გარანტია“).
- 1.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. „დღე“, „კვირა“, „თვე“ ნიშნავს კალენდარულ დღეს, კვირას, თვეს.
- 1.4. მზღვეველი – „_____“ (იგივე „მიმწოდებელი“), რომელიც კანონმდებლობის შესაბამისად ეწევა სადაზღვევო საქმიანობას და დამზღვევთან დებს ამ ხელშეკრულებას.
- 1.5. დამზღვევი – შპს „თბილისის სატრანსპორტო კომპანია“ (იგივე „შემსყიდველი“) პირი, რომელიც დებს ამ ხელშეკრულებას მზღვეველთან და იხდის შესაბამის პრემიას.
- 1.6. დაზღვეული (პოლისის მფლობელი) – პირი, რომლის მიმართაც ხორციელდება დაზღვევა და რომელიც ამ ხელშეკრულების საფუძველზე იღებს სადაზღვევო ანაზღაურებას.
- 1.7. სადაზღვევო პოლისი – წინამდებარე ხელშეკრულების დანართი №2-ით განსაზღვრული სადაზღვევო პოლისი, რომელიც განკუთვნილია შემსყიდველი ორგანიზაციის თანამშრომლებისა და სურვილის შემთხვევაში, ამ თანამშრომელთა ყველა ოჯახის წევრისათვის;
- 1.8. ოჯახის წევრი – მეუღლე და შვილები (ოჯახის წევრში ასევე მოიაზრება დაზღვევის პერიოდში დაოჯახებულის მეუღლე და/ან დაბადებული ბავშვი).
- 1.9. სადაზღვევო შემთხვევა – წინამდებარე ხელშეკრულებით განსაზღვრული შემთხვევები, რომელთა დადგომისას წარმოიშვება მზღვეველის ვალდებულება, გასცეს სადაზღვევო ანაზღაურება წინამდებარე ხელშეკრულების პირობების შესაბამისად;
- 1.10. საერთო სადაზღვევო პერიოდი – ხელშეკრულებით გათვალისწინებული პერიოდი.
- 1.11. ინდივიდუალური სადაზღვევო პერიოდი – დროის შუალედი, რომლის განმავლობაში კონკრეტული დაზღვეულის მიმართ სადაზღვევო დაფარვა ძალაშია.
- 1.12. ანაზღაურების მაქსიმალური ლიმიტი – წინამდებარე ხელშეკრულებითა და შესაბამისი სადაზღვევო პოლისით გათვალისწინებული თანხა, რომელიც წარმოადგენს სადაზღვევო ანაზღაურების მაქსიმუმს;
- 1.13. დაზღვევის პირობები – წინამდებარე ხელშეკრულებასა და შესაბამისი სადაზღვევო პოლისებში განსაზღვრული პირობები;
- 1.14. ტერიტორიული ლიმიტი – საქართველოს ტერიტორია (გარდა სამოგზაურო დაზღვევისათვის დადგენილი პირობებისა);
- 1.15. სადაზღვევო შესატანი (პრემია) – თანხა, რომელსაც წინამდებარე ხელშეკრულებით გათვალისწინებული დაზღვევისათვის იხდის დამზღვევი, როგორც დაზღვევის საზღაურს;
- 1.16. პროვაიდერი კლინიკა – მზღვეველთან საკონტრაქტო ურთიერთობაში მყოფი ლიცენზირებული სამედიცინო დაწესებულება, რომელიც უზრუნველყოფს დაზღვეულთა სამედიცინო მომსახურებას.

2. ხელშეკრულების საგანი

- 2.1. ხელშეკრულების საფუძველზე მიმწოდებელი კისრულობს ვალდებულებას, მიაწოდოს შემსყიდველს **თანამშრომელთა სამედიცინო დაზღვევის მომსახურება** (შემდგომში „მომსახურება“), ხოლო შემსყიდველი კისრულობს ვალდებულებას, მიიღოს მოთხოვნილი მომსახურება და გადაიხადოს მისი ღირებულება ხელშეკრულებით გათვალისწინებული წესით.
- 2.2. შესყიდვის ობიექტის კლასიფიკატორის კოდი: **66512000**.
- 2.3. გასაწევი მომსახურების დასახელება და ერთეულის ფასი განისაზღვრება მომსახურების ხარჯთაღრიცხვის შესაბამისად (დანართი №1).

3. ხელშეკრულების შესრულების კონტროლი

- 3.1. შემსყიდველი უფლებამოსილია განახორციელოს ხელშეკრულების შესრულების კონტროლი ნებისმიერ ეტაპზე.
- 3.2. შემსყიდველის მხრიდან ხელშეკრულების შესრულების კონტროლს ახორციელებენ: ----- (შემდგომში „ინსპექტორების ჯგუფი“).
- 3.3. ინსპექტორების ჯგუფის ფუნქციებია:
 - 3.3.1. გაუწიოს კონტროლი ხელშეკრულებით გათვალისწინებული გასაწევი მომსახურების ვადების დაცვას;
 - 3.3.2. დაადგინოს გაწეული მომსახურების შესაბამისობა ხელშეკრულებით გათვალისწინებულ მოთხოვნებთან;

3.3.3. გააფორმოს მიღება-ჩაბარების აქტი მიმწოდებელთან და უზრუნველყოს მიმწოდებლის მიერ გამოწერილი პოლისების მიღება.

4. მომსახურების გაწევის ვადა და პირობები

- 4.1. მიმწოდებელი ვალდებულია, მომსახურების გაწევა განახორციელოს ხელშეკრულებით განსაზღვრული თარიღიდან (ან ხელშეკრულების გაფორმების დღიდან) 12 (თორმეტი) თვის განმავლობაში.
- 4.2. შემსყიდველი ორგანიზაცია მიმწოდებელს გადასცემს:
- 4.2.1. დასაზღვევ თანამშრომელთა სიას;
 - 4.2.2. დასაზღვევ თანამშრომელთა დაზუსტებულ სიას - მომსახურების გაწევის დაწყების დღიდან არაუგვიანეს 2 (ორი) თვისა;
 - 4.2.3. დამატებით დასაზღვევ პირთა სიას - არაუგვიანეს წინა თვის ბოლო სამუშაო დღისა;
 - 4.2.4. დაზღვეულ პირთა გასაუქმებელ სიას - არაუგვიანეს წინა თვის ბოლო სამუშაო დღისა.
- 4.3. 4.2.3 პუნქტით გათვალისწინებული, ახლად დანიშნული თანამშრომლების და მათი სურვილის შემთხვევაში მათი ოჯახის წევრთა დაზღვევა ხორციელდება მომსახურების გაწევის დაწყების დღიდან არანაკლებ 10 თვის განმავლობაში (მოთხოვნის შემთხვევაში დანიშნვის შესახებ ბრძანების წარმოდგენის საფუძველზე).
- 4.4. დასაზღვევ პირთა სია დამოწმებული უნდა იყოს უფლებამოსილი პირის მიერ და უნდა მოიცავდეს დასაზღვევი პირის:
- 4.4.1. სახელსა და გვარს;
 - 4.4.2. პირად ნომერს;
 - 4.4.3. დაბადების თარიღს;
 - 4.4.4. მისამართს, ტელეფონს;
 - 4.4.5. თანამდებობას;
 - 4.4.6. დასაზღვევი პირის მიერ არჩეული სადაზღვევო პაკეტის დასახელებას.
- 4.5. 4.2.1 პუნქტის შესაბამისად მიღებული სიის საფუძველზე, მიმწოდებელი არაუგვიანეს სიის მიწოდებიდან 3 (სამი) სამუშაო დღის განმავლობაში შემსყიდველს მიაწვდის დასაზღვევ პირთა ბარათებს (სადაზღვევო პოლისები), აღნიშნულ პირთათვის მომსახურების გაწევა დაიწყება და დასრულდება 4.1 პუნქტში მითითებულ ვადებში.
- 4.6. დამატებით დასაზღვევი პირების სია უნდა მოიცავდეს 4.4 პუნქტით გათვალისწინებულ ინფორმაციას, გარდა 4.4.5 პუნქტისა.
- 4.7. 4.2.2 პუნქტით განსაზღვრული ვადის გასვლის შემდეგ დაზღვეულთა სიაში თანამშრომლების ოჯახის წევრების დამატება (ასევე ინდივიდუალური პაკეტის საოჯახოთი შეცვლა) შესაძლებელია მხოლოდ დაოჯახების ან ბავშვის დაბადების შემთხვევაში (მეუღლე, შვილი), რაც დადასტურებული უნდა იყოს მზღვეველისთვის შესაბამისი დოკუმენტაციის წარმოდგენით (ქორწინების მოწმობა, დაბადების მოწმობა).
- 4.8. დაზღვეულ პირთა დამატება ან გაუქმება, ასევე ახალი ოჯახის წევრის (მეუღლე, შვილები) ან სხვა კომპანიაში დაზღვევის ვადის გასვლის გამო დაზღვევის მსურველი თანამშრომლის დამატება ხორციელდება ყოველი მომდევნო თვის პირველი რიცხვიდან შემსყიდველის წერილობითი მიმართვის საფუძველზე, რომელიც მიმწოდებელს გადაეგზავნება არაუგვიანეს წინა თვის ბოლო სამუშაო დღისა.
- 4.9. მიმწოდებელი წერილობითი მიმართვიდან არაუგვიანეს 3 (სამი) სამუშაო დღის ვადაში უზრუნველყოფს 4.2.2 და 4.2.3 პუნქტით გათვალისწინებულ პირთა ბარათების (სადაზღვევო პოლისების) შემსყიდველზე მიწოდებას, წინააღმდეგ შემთხვევაში, ვალდებულია დაზღვეულ პირს მომსახურება გაუწიოს პირადობის მოწმობის წარდგენის საფუძველზე.
- 4.10. დაზღვეული პირის სადაზღვევო პოლისის ვადაზე ადრე გაუქმება ხორციელდება დაზღვეულის სამსახურიდან გათავისუფლების ან გარდაცვალების შემთხვევაში (რაც მზღვეველის მოთხოვნის შემთხვევაში დადასტურებული უნდა იყოს მზღვეველისათვის შესაბამისი დოკუმენტაციის წარმოდგენით - გათავისუფლების შესახებ ბრძანება, ცნობა გარდაცვალების შესახებ).
- 4.11. სადაზღვევო პოლისების გაუქმების შემთხვევაში ამ უკანასკნელზე წინამდებარე ხელშეკრულებით გათვალისწინებული მომსახურებების გაუქმება ხდება წერილობითი შეტყობინების თვის მომდევნო თვის პირველი რიცხვიდან და შესაბამისად დაზღვეულ პირზე წყდება სადაზღვევო პრემიის დაფინანსება.
- 4.12. მიმწოდებელი (სადაზღვევო კომპანია) ვალდებულია, უზრუნველყოს დანართი №2-ით გათვალისწინებული სამედიცინო მომსახურების გეოგრაფიული ხელმისაწვდომობა საქართველოს მასშტაბით.
- 4.13. გეგმიური სტაციონარული სამედიცინო მომსახურების მოცდის პერიოდი არ უნდა აღემატებოდეს 1 თვეს.

5. მომსახურების მიღება-ჩაბარების წესი

- 5.1. მიღება-ჩაბარების აქტი დგება შემსყიდველისთვის გადაცემული არსებული პოლისების გათვალისწინებით.
- 5.2. მიმწოდებლის მიერ მომსახურების გადაცემა და შემსყიდველის მიერ მისი მიღება დასტურდება ორივე მხარის უფლებამოსილი წარმომადგენლების მიერ ხელმოწერილი მიღება-ჩაბარების აქტით, ყოველთვიურად.
- 5.3. შემსყიდველი უფლებამოსილია, განაცხადოს უარი მომსახურების ან მისი ნაწილის მიღებაზე და მათ ანაზღაურებაზე, თუ:
- 5.3.1. გაწეული მომსახურება უხარისხოა (მათ შორის ხელშეკრულებით გათვალისწინებული ხარისხის შეუსაბამო);
 - 5.3.2. გაწეულია ხელშეკრულებაში ან/და მოთხოვნაში (შეკვეთაში) მითითებულ რაოდენობაზე მეტი ოდენობით;
 - 5.3.3. გაწეულია ხელშეკრულებაში ან/და მოთხოვნაში (შეკვეთაში) მითითებულ რაოდენობაზე ნაკლები;
 - 5.3.4. სრული მოცულობით არ არის წარმოდგენილი ხელშეკრულებით გათვალისწინებული დოკუმენტაცია;
 - 5.3.5. ხარვეზების გამოსწორება შეუძლებელია;
 - 5.3.6. კანონმდებლობით გათვალისწინებულ სხვა შემთხვევებში.
- 5.4. გაწეული მომსახურების (მისი ნაწილის) მიღების და/ან საბოლოო შემოწმების შედეგად გამოვლენილი ნაკლის აღმოფხვრას საკუთარი ხარჯებით უზრუნველყოფს მიმწოდებელი.

6. ანგარიშსწორების პირობები და ვადები

- 6.1. დაზღვეულ პირთა რაოდენობის (სიის) შესაბამისად, ტექნიკური პირობებით (დანართი №2) გათვალისწინებული სადაზღვევო პოლისის ღირებულებას _____ (_____) ლარს (რაც ცვალებადია და უდრის გაცემული პოლისების რაოდენობის ნამრავლს დაზღვეულის ერთი თვის პრემიაზე) ყოველთვიურად გადაიხდის შემსყიდველი ორგანიზაცია.
- 6.2. დაზღვეული პირის (თანამშრომლის) მიერ ოჯახის წევრების დაზღვევის შემთხვევაში, შემსყიდველი მიმწოდებელს უხდის მხოლოდ თანამშრომლის სადაზღვევო პოლისის ღირებულებას, ხოლო დაზღვეული ოჯახის წევრთა პოლისების თანხას იხდის დაზღვეული.

6.3. დაზღვეულის განცხადების საფუძველზე, შემსყიდველი ორგანიზაცია 6.2 პუნქტით განსაზღვრულ, დაზღვეულ ოჯახის წევრთა თანხას დაუქვითავს დაზღვეულ თანამშრომელს ხელფასიდან და უზრუნველყოფს მის გადარიცხვას მიმწოდებლის ანგარიშზე, უნაღდო ანგარიშწორების ფორმით.

6.4. 6.1 პუნქტით გათვალისწინებული ანგარიშსწორება განხორციელდება უნაღდო ანგარიშსწორების ფორმით ლარში, დაზღვეულ თანამშრომელთა რაოდენობის შესაბამისად, მიმწოდებლის საბანკო რეკვიზიტებზე, ყოველი საანგარიშო თვის მომდევნო თვის 15 რიცხვამდე, ხელშეკრულების შესაბამისად გაფორმებული მიღება-ჩაბარების აქტის წარდგენის საფუძველზე.

6.5. შემსყიდველი უფლებამოსილია, ხოლო მიმწოდებელი თანხმად ხელშეკრულების 9.3 პუნქტით დაკისრებული პირგასამტეხლოს თანხა (ასეთის არსებობის შემთხვევაში) გამოქვითოს ყოველი მიღება-ჩაბარების აქტის შესაბამისი, მიმწოდებელზე გადასარიცხი თანხიდან.

6.6. თანამშრომლის სამსახურიდან გათავისუფლების ან გარდაცვალების შემთხვევაში შემსყიდველი თავისუფლდება აღნიშნული თანამშრომლის დარჩენილი თვეების საბაზისო სადაზღვევო პოლისის ღირებულების გადახდის ვალდებულებისაგან.

6.7. სამსახურიდან წასვლის ან გარდაცვალების შემთხვევაში ამავედროულად წყდება დაზღვეულთა სიიდან ამოღებული თანამშრომლის ოჯახის წევრების დაზღვევა.

6.8. საქართველოს კანონმდებლობით გათვალისწინებული ყველა გადასახადის, გარდა საშემოსავლო გადასახადისა, გადახდაზე პასუხისმგებელია მიმწოდებელი.

7. საგარანტიო პირობები და ვადები

მიმწოდებელი იძლევა გარანტიას, რომ გაწეული მომსახურება იქნება ხარისხიანი და შეესაბამება მომსახურების გაწევის ტექნიკურ პირობებს (დანართი №2).

8. ხელშეკრულების შეწყვეტა

8.1. ხელშეკრულება შეიძლება შეწყდეს:

8.1.1. მხარეთა წერილობითი შეთანხმებით;

8.1.2. ხელშეკრულების ვადის გასვლის გამო;

8.1.3. 8.2 პუნქტით გათვალისწინებულ შემთხვევებში.

8.2. შემსყიდველი უფლებამოსილია, საწარმოო აუცილებლობიდან გამომდინარე, ცალმხრივად (მთლიანად ან ნაწილობრივ) შეწყვიტოს ხელშეკრულება, თუ:

8.2.1. მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;

8.2.2. მიმწოდებელი სისტემატიურად (მინიმუმ 2-ჯერ) ან/და უხეშად არღვევს ხელშეკრულების პირობებს;

8.2.3. მიმწოდებელი ხელშეკრულებით გათვალისწინებულ ან შემსყიდველის მიერ გაგრძელებულ ვადებში ვერ უზრუნველყოფს ხელშეკრულებით გათვალისწინებული მომსახურების გაწევას;

8.2.4. მიმწოდებლის გაკოტრების შემთხვევაში;

8.2.5. მიმწოდებლის საკვალიფიკაციო მონაცემები ყალბი აღმოჩნდება;

8.2.6. ხელშეკრულება ჩაითვლება ავტომატურად შეწყვეტილად, თუ 9.3 პუნქტის შესაბამისად დაკისრებული და მიმწოდებლის მხრიდან აუნაზღაურებელი პირგასამტეხლოს ჯამური თანხა, გადააჭარბებს საბანკო გარანტიით განსაზღვრული თანხის 95 პროცენტს.

9. მხარეთა პასუხისმგებლობა

9.1. მხარეები კისრულობენ ვალდებულებას, აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობისათვის ან არასრულად შესრულების შედეგად მიყენებული ზიანი, მოქმედი კანონმდებლობით განსაზღვრული წესით.

9.2. შემსყიდველი კისრულობს პასუხისმგებლობას ხელშეკრულებით გათვალისწინებული ანგარიშსწორების ვადების დარღვევისათვის, პირგასამტეხლოს სახით მიმწოდებელს გადაუხადოს გადასახდელი თანხის 0.1 პროცენტი ყოველი ვადაგადაცილებული დღისათვის.

9.3. მიმწოდებელი კისრულობს პასუხისმგებლობას: მომსახურების გაწევის ვადებით გათვალისწინებული, ვადების დარღვევის შემთხვევაში, პირგასამტეხლოს სახით შემსყიდველს გადაუხადოს გასაწევი მომსახურების ღირებულების 0.1 პროცენტი ყოველი ვადაგადაცილებული დღისათვის;

9.4. მხარეები თავისუფლდებიან პასუხისმგებლობისაგან:

9.4.1. თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წააწყდებიან ისეთ ხელშემშლელ გარემოებებს, რომელიც გამოწვეულია მათგან დამოუკიდებელი სხვა ობიექტური მიზეზებით;

9.4.2. ის მხარე, რომელიც ხელშეკრულების 9.4.1 პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას ვალდებულია დაუყოვნებლივ წერილობით აცნობოს მეორე მხარეს ნაკისრი ვალდებულებების შეუსრულებლობის გამომწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან არაუგვიანეს 10 (ათი) დღისა წარმოადგინოს ცნობა შესაბამისი კომპენტენტური ორგანიზაციიდან (ასეთის არსებობის შემთხვევაში), რომელიც დაადასტურებს წერილში მოყვანილ გარემოებებს;

9.4.3. ხელშეკრულების 9.4.2 პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და ვადამდე შეწყვიტონ ხელშეკრულების მოქმედება.

10. ფორს-მაჟორი

10.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

10.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუალაზრებელ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ

გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემზარგოს დაწესებით და სხვა.

10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

11. გამოყენებული სამართალი

ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

12. ხელშეკრულების შესრულების საბანკო გარანტია

12.1. ხელშეკრულებაში გამოყენებულია მიმწოდებლის მხრიდან ხელშეკრულების შესრულების საბანკო გარანტია მთლიანი სახელშეკრულებო თანხის ----- პროცენტის ოდენობით, რომლის ვადა 30 (ოცდაათი) კალენდარული დღით აღემატება გასაწვეი მომსახურების საბოლოო ვადას.

12.2. შემსყიდველის მიერ აღნიშნული საბანკო გარანტიის გამოყენების და დაბრუნების პირობები მოცემულია ხელშეკრულების 12.3 და 12.4 პუნქტებში.

12.3. შემსყიდველი უფლებამოსილია საბანკო გარანტიის მოქმედების ვადაში მიმართოს გარანტს და მოითხოვოს საბანკო გარანტიით განსაზღვრული თანხის გადახდა თუ:

12.3.1. ხელშეკრულება შეწყდა 8.2 პუნქტის შესაბამისად;

12.3.2. ხელშეკრულების მოქმედების ვადის განმავლობაში მიმწოდებელმა ვერ უზრუნველყო ხელშეკრულებით გათვალისწინებული მომსახურების სრულად გაწევა.

12.4. საბანკო გარანტია მიმწოდებელს დაუბრუნდება:

12.4.1. მიმწოდებლის მიერ ხელშეკრულებით ნაკისრი ვალდებულებების სრულად შესრულებისას;

12.4.2. ხელშეკრულების 9.4.1 პუნქტით გათვალისწინებულ შემთხვევებში ხელშეკრულების ვადამდე შეწყვეტისას, თუ ამ გარემოებების დადგომამდე, მიმწოდებლის მიერ სრულად არის შესრულებული ხელშეკრულებით ნაკისრი ვალდებულებები.

13. ხელშეკრულებაში ცვლილებების შეტანა

13.1. ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.

13.2. დაუშვებელია ხელშეკრულებაში იმგვარი ცვლილებების შეტანა, რომლის შედეგადაც იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

13.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების ღირებულების 10%-ზე მეტი ოდენობით გაზრდა.

13.4. ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

14. ხელშეკრულების სხვა პირობები

14.1. ხელშეკრულების არც-ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

14.2. ხელშეკრულება შედგენილია ქართულ ენაზე, ორი თანაბარი იურიდიული ძალის მქონე ეგზემპლარად, რომელთაგან თითო ეგზემპლარი ინახება ხელშეკრულების მონაწილე მხარეებთან.

15. ხელშეკრულების მოქმედების ვადა

ხელშეკრულება ძალაშია მისი ხელმოწერის დღიდან და მოქმედებს ----- წლის ----- ჩათვლით.

16. მხარეთა იურიდიული მისამართები და საბანკო რეკვიზიტები

„შემსყიდველი“

შპს „თბილისის სატრანსპორტო კომპანია“

საიდენტიფიკაციო ნომერი: 202886788

მის: ქ. თბილისი, ვაგზლის მოედანი №2

ტელ: (995 32) 2 93 50 50.

სს თბილისი ზანკი

ა/ა GE67TB7931836070100001; ბანკის კოდი: TBCBGE22

„მიმწოდებელი“

საიდენტიფიკაციო ნომერი: _____

მის: _____

ტელ: (995 32) _____.

ა/ა _____; ბანკის კოდი: _____

თანამშრომელთა სამედიცინო დაზღვევის (მრავალწლიანი 2016-2017 წ.) მომსახურების ხარჯთაღრიცხვა

„____“ _____ 2016 წ.
(შეცვლების თარიღი)

____ თანამშრომელთა სამედიცინო დაზღვევის მომსახურებას გათვავობით _____ (_____) ლარად.
(პრეტენდენტის დასახელება) (თანხა ციფრებით) (თანხა სიტყვიერად)

დასახელება	განზომილება	სავარაუდო რაოდენობა *	ერთეულის ღირებულება თვეში ერთ თანამშრომელზე (ლარი)	საერთო სავარაუდო ღირებულება თვეში ყველა თანამშრომელზე (ლარი)	ერთეულის ღირებულება წელიწადში ერთ თანამშრომელზე (ლარი)	საერთო სავარაუდო ღირებულება წელიწადში ყველა თანამშრომელზე (ლარი)
I	II	III	IV	V	VI	VII
თანამშრომელთა სამედიცინო დაზღვევა	თანამშრომელი	5'798				

შენიშვნა:

- * მომსახურების ხარჯთაღრიცხვის მე-3 გრაფაში დაფიქსირებულია თანამშრომელთა რაოდენობა საშტატო განრიგის მიხედვით, რომელიც შესაძლოა დაკორექტირდეს (გაიზარდოს/შემცირდეს) შემსყიდველის მიერ.

(პასუხისმგებელი პირის თანამდებობა, სახელი გვარი)

ხელმოწერა

ტექნიკური პირობები

დაზღვეულთა საგარეუდო რაოდენობა - 5798 ერთეული.

სამედიცინო დაზღვევის საბაზისო პაკეტი

#	მომსახურების სახეები	პროგრამა A (საბაზისო)	
		ლიმიტი	დაფარვა
1	24 საათიანი სატელეფონო კონსულტაცია	ულიმიტო	100%
2	ოჯახის/პირადი ექიმის მომსახურება მზღვეველის პროვაიდერ კლინიკებში	ულიმიტო	100%
3	პროფილაქტიკური სამედიცინო მომსახურება მზღვეველის პროვაიდერ კლინიკებში	წელიწადში 1-ჯერ	100%
4	სასწრაფო სამედიცინო დახმარება	ულიმიტო	100%
5	გადაუდებელი ამბულატორიული სამედიცინო მომსახურება	ულიმიტო	100%
6	გეგმიური ამბულატორიული სამედიცინო მომსახურება	1000	60%
7	მედიკამენტები	700	60%
8	გადაუდებელი ჰოსპიტალური სამედიცინო მომსახურება	10000	100%
9	გეგმიური ჰოსპიტალური სამედიცინო მომსახურება	10000	100%
9.1	კარდიოქირურგია (სტენტირება, შუნტირება) (ქველიმიტი)	5000	
9.2	ქიმიოთერაპია, სხივური თერაპია (ქველიმიტი)	5000	
10	ორსულობა / მშობიარობა	900	100%
11	გადაუდებელი სტომატოლოგიური მომსახურება	ულიმიტო	100%
12	გეგმიური სტომატოლოგიური მომსახურება მზღვეველის პროვაიდერ კლინიკაში	600	50%
13	ორთოდონტიული და ორთოპედიული სტომატოლოგია	20-40% ფასდაკლება	
14	დამატებითი მომსახურებები	10-40% ფასდაკლება	
15	უბედური შემთხვევის დაზღვევა მხოლოდ თანამშრომლებზე	1000 ლარი	

ჯანმრთელობის დაზღვევის პირობები უნდა ითვალისწინებდეს შემდეგი სამედიცინო ხარჯების ანაზღაურებას:

1. 24 საათიანი სატელეფონო კონსულტაცია:

ითვალისწინებს სადღეღამისო სატელეფონო-საინფორმაციო, საორგანიზაციო კონსულტაციებს ჯანმრთელობის მდგომარეობასთან დაკავშირებული ნებისმიერი საკითხის ან პრობლემის წარმოქმნისას; ამ დროს დაზღვეულს საშუალება ეძლევა მიიღოს სრული და ოპერატიული ინფორმაცია სადაზღვევო პროგრამის, სამედიცინო მომსახურების ორგანიზებისა და კოორდინირების შესახებ.

2. ოჯახის/პირადი ექიმის მომსახურება მზღვეველის პროვაიდერ კლინიკებში:

დაზღვეულის მიერ განხორციელებული სატელეფონო შეტყობინებიდან, არაუგვიანეს 2 (ორი) სამუშაო დღის ვადაში, უზრუნველყოს პირადი/ოჯახის ექიმის კონსულტაცია.

ოჯახის/პირადი ექიმის კონსულტაცია, სამედიცინო საჭიროების შემთხვევაში ზინაზე გამოძახებით 24 საათის განმავლობაში.

დაზღვეულის ჯანმრთელობის მდგომარეობის მონიტორინგი, სადაზღვევო შემთხვევის მართვა, სამედიცინო ჩვენებისას მიმართვის გაცემა დამატებითი კონსულტაციების და/ან გამოკვლევების ჩასატარებლად.

მკურნალობის დანიშვნა და მის შეთანხმება კონკრეტული პროფილის სპეციალისტებთან, რეცეპტის (საგარანტიო წერილის) და საჭიროების შემთხვევაში ყველა სახის სამედიცინო ცნობებისა და საავადმყოფო ფურცლის უფასო გაცემა, (გარდა სამსახურის დაწყებასთან დაკავშირებით ფორმა №100/ა, სსიპ – შსს-ს მომსახურების სააგენტოში ავტომობილის მართვის მოწმობისა და იარაღის შენახვის/ტარების უფლების მისაღებად წარსადგენი ცნობებისა).“

მზღვეველი იღებს ვალდებულებას გამოყოს შემსყიდველის თანამშრომლებისათვის ოჯახის/პირადი ექიმი ორშაბათიდან შაბათის ჩათვლით.

მომსახურების შეფერხების/არაჯეროვნად შესრულების თავიდან აცილების მიზნით, მზღვეველმა უნდა გამოყოს ოჯახის ექიმთა საკმარისი რაოდენობა, რომელიც მოემსახურება შემსყიდველი ორგანიზაციის თანამშრომლებს და მათი ოჯახის წევრებს.

ამასთან მზღვეველმა შემსყიდველს უნდა წარმოუდგინოს ოჯახის ექიმთა რაოდენობა და მათი ლოკაციის ადგილი. დაუშვებელია ოჯახის ექიმების რაოდენობების შემცირება შემსყიდველთან შეთანხმების გარეშე.

3. პროფილაქტიკური სამედიცინო მომსახურება, მზღვეველის პროვაიდერ კლინიკებში:

სადაზღვევო კომპანიასთან წინასწარი შეტყობინებით, დაზღვეულის სურვილისამებრ საქართველოს ტერიტორიაზე არსებული მზღვეველის პროვაიდერ ლიცენზირებულ სამედიცინო დაწესებულებებში შესაძლებელია ქვემოთ ჩამოთვლილი მომსახურებების მიღება:

- თერაპევტის კონსულტაცია;
- სისხლის საერთო ანალიზი;
- შარდის საერთო ანალიზი;
- კრეატინინის განსაზღვრა სისხლში;
- გლუკოზის განსაზღვრა პლაზმაში;
- პროთრომბინის განსაზღვრას სისხლში;
- ელექტრო კარდიოგრამას;
- ერთი სისტემის ექსკოპია.

4. სასწრაფო სამედიცინო დახმარება:

ითვალისწინებს საქართველოს ტერიტორიაზე არსებული ნებისმიერი ლიცენზირებული სასწრაფო სამედიცინო დახმარების ბრიგადების მომსახურებას. აგრეთვე, საჭიროების შემთხვევაში, მათ მიერ უფასო ტრანსპორტირებას საქართველოს მთელ ტერიტორიაზე.

5. გადაუდებელი ამბულატორიული სამედიცინო მომსახურება (რომლის ხანგრძლივობაც სამედიცინო ჩვენებით არ აღემატება 24 საათს):

დაზღვეულის ჯანმრთელობის მდგომარეობის გაუარესებასთან დაკავშირებული სამედიცინო ღონისძიებები, რომელთა გადავადება სიცოცხლეს უქმნის საფრთხეს ან არის დაინვალიდებისა თუ ჯანმრთელობის მდგომარეობის გაუარესების საშიშროება, რომელიც მოიცავს სხვადასხვა პროფილის ექიმ-სპეციალისტების კონსულტაციებს, სამედიცინო მანიპულაციებს (ქირურგიის ჩათვლით) და კლინიკო-ლაბორატორიული და ინსტრუმენტული გამოკვლევების ხარჯებს და არ საჭიროებს სამედიცინო დაწესებულებაში 24 სათზე მეტი ხნით დაყოვნებას, საქართველოს ტერიტორიაზე არსებულ ნებისმიერ ლიცენზირებულ სამედიცინო დაწესებულებებში, თავისუფალი არჩევანის პრინციპის დაცვით.

ანაზღაურებას ექვემდებარება კერძოდ და მხოლოდ:

- ტრავმები;
- ანტირაბიული და ანტიტეტანური ვაქცინაცია;
- მწვავე ინტოქსიკაცია;
- ჰიპერტონული კრიზი;
- ფებრილური/ჰექტიური ცხელება;
- მოყინვა ან დამწვრობა;
- პოსტოპერაციული და ცხვირიდან სისხლდენა;
- ბრონქოსპაზმი, ლარინგოსპაზმი, ბრონქული და კარდიალური ასთმის შეტევა;
- გულის რითმის მწვავე დარღვევები;
- მწვავე ალერგიული რეაქცია;
- მწვავე ტკივილის სინდრომი.

6. გეგმიური ამბულატორიული სამედიცინო მომსახურება:

მომსახურება ითვალისწინებს სხვადასხვა პროფილის ექიმ-სპეციალისტების კონსულტაციას, შესაბამისი სამედიცინო ლიცენზიის მქონე ექიმის დანიშნულებით კლინიკო-ლაბორატორიული, ინსტრუმენტული გამოკვლევების, სხვა საჭირო სამედიცინო მანიპულაციების ჩატარებას საქართველოს ტერიტორიაზე არსებულ ნებისმიერ ლიცენზირებულ სამედიცინო დაწესებულებებში, თავისუფალი არჩევანის პრინციპის დაცვით.

7. მედიკამენტები:

ითვალისწინებს ექიმ-სპეციალისტის მიერ სამედიცინო ჩვენებით დანიშნული მედიკამენტების (საქართველოში მედიკამენტად რეგისტრირებული სამკურნალო საშუალებები) ღირებულების ანაზღაურებას; ექიმ-სპეციალისტის მიერ დანიშნული მედიკამენტების შეძენა ხორციელდება საქართველოს ტერიტორიაზე არსებულ ნებისმიერ ლიცენზირებულ აფთიაქში. სტაციონარული სამედიცინო მომსახურების მიღების დროს, მედიკამენტოზური მკურნალობის ხარჯების ანაზღაურება ხდება სრულად, სტაციონარული მომსახურების წლიური ლიმიტით.

8. გადაუდებელი ჰოსპიტალური მომსახურება:

დაზღვეულის ჯანმრთელობის მდგომარეობის გაუარესებასთან დაკავშირებული ყველა სახის აუცილებელი სამედიცინო ღონისძიება (საწოლდღეების ჩათვლით) სხვადასხვა პროფილის ექიმ-სპეციალისტების კონსულტაციები, ქირურგიული და თერაპიული მკურნალობა, კლინიკო-ლაბორატორიული და ინსტრუმენტული გამოკვლევები, რომელთა გადავადება სიცოცხლეს უქმნის საფრთხეს, ან არის დაინვალიდებისა თუ ჯანმრთელობის მდგომარეობის გაუარესების საშიშროება, რომლის დროსაც დაზღვეულის სტაციონარში 24 საათზე მეტი ხნით მოთავსება აუცილებელია, საქართველოს მთელ ტერიტორიაზე არსებულ ლიცენზირებულ სამედიცინო დაწესებულებებში, თავისუფალი არჩევანის პრინციპის დაცვით.

9. გეგმიური ჰოსპიტალური სამედიცინო მომსახურება:

ითვალისწინებს სამედიცინო მომსახურებას სტაციონარში (საწოლდღეების ჩათვლით), შესაბამისი სამედიცინო ჩვენების არსებობისას, აღნიშნული მოიცავს გეგმიური ჰოსპიტალური მომსახურებისას სამკურნალო-დიაგნოსტიკურ, ლაბორატორიულ და ინსტრუმენტულ გამოკვლევებს, ქირურგიულ და თერაპიულ მკურნალობას, ყველა სხვა საჭირო სამედიცინო მანიპულაციებს თავისუფალი არჩევანის პრინციპით.

9.1 კარდიოქირურგია (სტენტირება, შუნტირება) – ითვალისწინებს კარდიოქირურგიული ოპერაციების (შუნტირება, სტენტირება, ოპერაციები ღია გულზე) და მასთან დაკავშირებული სამედიცინო ხარჯების ანაზღაურებას საქართველოს ტერიტორიაზე არსებულ ნებისმიერ ლიცენზირებულ სამედიცინო დაწესებულებებში, თავისუფალი არჩევანის პრინციპის დაცვით.

9.2 ქიმიოთერაპია, სხივური თერაპია – ითვალისწინებს ონკოლოგიური დაავადებების დროს საჭირო ქიმიოთერაპიის, სხივური თერაპიის და მასთან დაკავშირებული ხარჯების ანაზღაურებას საქართველოს ტერიტორიაზე არსებულ ნებისმიერ ლიცენზირებულ სამედიცინო დაწესებულებებში, თავისუფალი არჩევანის პრინციპის დაცვით.

10. ორსულობა/მშობიარობა:

ითვალისწინებს ორსულობის მონიტორინგისა და მშობიარობის ხარჯების ანაზღაურებას (ფიზიოლოგიური მშობიარობა, საკეისრო კვეთა) მოცდის პერიოდის გარეშე, საქართველოს ტერიტორიაზე არსებულ ნებისმიერ ლიცენზირებულ სამედიცინო დაწესებულებებში, თავისუფალი არჩევანის პრინციპის დაცვით.

11. გადაუდებელი სტომატოლოგიური მომსახურება:

ითვალისწინებს მწვავე ტკივილის მოხსნას და კბილის გადაუდებელ ექსტრაქციას, საქართველოს ტერიტორიაზე არსებულ ნებისმიერ ლიცენზირებულ სამედიცინო დაწესებულებაში, თავისუფალი არჩევანის პრინციპის დაცვით.

12. გეგმიური სტომატოლოგიური მომსახურება მზღვევლის პროვადიდერ კლინიკაში:

ითვალისწინებს სტომატოლოგიის კონსულტაციის, კბილის დაბეჭდვას, მარტივი და გართულებული კარიესის მკურნალობის, დიაგნოსტიკური ღონისძიებების, პროფესიული გაწმენდის, გეგმიური ქირურგიული მანიპულაციების და ზემოთ ჩამოთვლილ პროცედურებთან დაკავშირებული მედიკამენტების ხარჯების ანაზღაურებას პროვადიდერში კლინიკაში.

13. ორთოდონტიული და ორთოპედიული სტომატოლოგია :

ითვალისწინებს ორთოპედიულ და ორთოდონტიულ მომსახურებაზე, ასევე ამ სერვისებთან დაკავშირებულ წინამოსამზადებელ პროცედურებზე 20-40%-მდე ფასდაკლებას მზღვევლის მიერ მითითებულ სამედიცინო დაწესებულებებში.

14. დამატებითი მომსახურებები:

ითვალისწინებს 10-40%-იან ფასდაკლებას სხვადასხვა მომსახურებასა და პროცედურებზე: ფიზიოთერაპია, ჰიდროთერაპია, მასაჟი, ფიტნესი.

15. უბედური შემთხვევის დაზღვევა მხოლოდ თანამშრომლებზე:

გაუთვალისწინებელი, მოულოდნელი შემთხვევა, გამოწვეული თვალსაჩინო გარეგანი ძალების ზემოქმედებით, რომელიც არ ექვემდებარება დაზღვეულის კონტროლს და რომელიც განაპირობებს დაზღვეულის შრომისუუნარობის დაკარგვას ან გარდაცვალებას.

16. ჯანმრთელობის დაზღვევის პირობები ასევე უნდა ითვალისწინებდეს:

- დაზღვეულ პირთა (თანამშრომელი, მეუღლე) ულიმიტო ასაკობრივ ზღვარს, შვილები 18 წლამდე;
- თანამშრომლის ოჯახის წევრის დაზღვევის შესაძლებლობას. თანამშრომლის მხრიდან სურვილის გამოხატვის შემთხვევაში, სადაზღვევო კომპანია ვალდებულია დააზღვიოს, თანამშრომლის ოჯახის თითოეული წევრი, საბაზისო პაკეტით, ტენდერში ვაჭრობის შედეგად დაფიქსირებული საბოლოო (ბოლო) ფასის შესაბამისად;
- დაზღვეულ პირთა (თანამშრომელი, ოჯახის წევრი) დაზღვევამდე არსებული და ქრონიკული დაავადებების დიაგნოსტიკისა და მკურნალობის ხარჯების ანაზღაურებას;
- საოჯახო და/ან გაუმჯობესებული პაკეტით დაზღვევისას, თითოეულ დაზღვეულ პირზე იგივე პირობების (არა უმეტესი გამონაკლისების) გავრცელებას, რაც გათვალისწინებულია თანამშრომელზე საბაზისო პაკეტით;
- საოჯახო დაზღვევის შემთხვევაში, ახლად შეძენილი ოჯახის წევრი, ავტომატურად განიხილება საოჯახო პაკეტის მქონე თანამშრომლის ოჯახის წევრად და მასზე ვრცელდება იგივე პირობები, რაც გათვალისწინებულია თანამშრომელზე საბაზისო პაკეტით;
- ხელშეკრულების მოქმედების მთელი პერიოდის განმავლობაში, სხვა კომპანიაში დაზღვევის ვადის გასვლის გამო დაზღვევის მსურველი ან ახლად დანიშნული თანამშრომლების და მათი სურვილის შემთხვევაში მათი ოჯახის წევრთა დაზღვევა ხორციელდება მომსახურების გაწევის დაწყების დღიდან, არანაკლებ 10 თვის განმავლობაში (მოთხოვნის შემთხვევაში დანიშვნის შესახებ ბრძანების წარდგენის საფუძველზე).
- საოჯახო დაზღვევის შემთხვევაში, ლიმიტის გავრცელებას ოჯახის თითოეულ წევრზე ცალ-ცალკე.

17. დასაშვები სადაზღვევო გამონაკლისები:

- იმ შემთხვევებით გამოწვეული დაავადებების ხარჯები, როდესაც დაზღვეული განზრახ იგდებს თავს საფრთხეში, გარდა იმ შემთხვევებისა როდესაც ის მოქმედებს სხვისი სიცოცხლის გადარჩენის მიზნით;
- საქართველოს კანონმდებლობით არარეგისტრირებული მედიკამენტების, ბიოლოგიურად აქტიურ ან/და კვებითი დანამატების, პირადი ჰიგიენის ან/და მოვლის საშუალებების ხარჯები; თვითმკურნალობასთან დაკავშირებული ხარჯები;
- არატრადიციული მედიცინის (აკუპუნქტურა, მანუალური თერაპია, სუჯოკუთერაპია და ა.შ.) ხარჯები;
- შაქრიანი და უშაქრო დიაბეტის, ქრონიკული და ვირუსული ჰეპატიტ(ებ)ის (გარდა „A“ ტიპის ჰეპატიტისა), თირკმლის ქრონიკული უკმარისობის და მათი გართულებების სამედიცინო მომსახურების ხარჯები, გადაუდებელი მდგომარეობის გარდა;
- არასამედიცინო ჩვენებით განპირობებული და ნებისმიერი დამატებითი მომსახურებების ხარჯები;
- პროფესიული და სარისკო (ექსტრემალური) სპორტის სახეობებში მონაწილეობით გამოწვეული დაავადებებთან დაკავშირებულ ხარჯები (გარდა ზამთრის სპორტის სახეობებისა);
- ალკოჰოლიზმთან, ნარკომანიასა და ტოქსიკომანიასთან დაკავშირებული ხარჯები;
- ალკოჰოლური, ნარკოტიკული, ტოქსიკური ან ფსიქოტროპული ნივთიერებ(ებ)ის ზემოქმედების ქვეშ სატრანსპორტო საშუალების მართვისას მომხდარი ავტოსაგზაო შემთხვევით გამოწვეული სამედიცინო მომსახურების ხარჯები;
- ორგანოთა ტრანსპლანტაციასთან დაკავშირებული ხარჯები ნებისმიერი სამედიცინო ჩარევის დროს; მხედველობის კორექციასთან (მათ შორის ექსიმერ-ლაზერით მკურნალობა); სათვალეების, ლინზებისა და სმენის აპარატების შეძენასთან დაკავშირებული ხარჯები;

- ვაქცინაცია და იმუნიზაცია (გარდა პროგრამით გათვალისწინებულისა);
- თანდაყოლილი და გენეტიკურ დაავადებები, კოსმეტიკური მკურნალობა, პლასტიკური ქირურგია, (გარდა სამედიცინო ჩვენებისა), ჭარბი წონა, წონის კორექცია (გარდა პირველადი დიაგნოსტიკისა);
- უნაყოფობის, იმპოტენციის დიაგნოსტიკა, არასამედიცინო ჩვენებით აბორტის ხარჯები; კონტრაცეფციის, ხელოვნური განაყოფიერების, რეპროდუქტოლოგიის ხარჯები;
- უპირატესად სქესობრივი გზით გადამდები დაავადებების (ათაშანგი, გონოკოკური ინფექცია, ქლამიდიური ლიმფოგრანულომა, შანკრიდი (რბილი შანკრი), საზარდულის ლიმფოგრანულომა (დონოვანოზი)) და შიდსთან დაკავშირებული სამედიცინო მომსახურების ხარჯები (გარდა პირველადი დიაგნოსტიკისა);
- ფსიქიური დაავადებების მკურნალობის, ფსიქოთერაპიის, ფსიქოლოგიის და ლოგოპედის მომსახურების ხარჯები;
- სამედიცინო მომსახურების ხარჯები, რომელიც საჭირო გახდა დაზღვეულის ომში, აჯანყებაში, სამოქალაქო არეულობაში ან კრიმინალურ ქმედებაში მონაწილეობის შედეგად. აგრეთვე, თავისუფლების აღკვეთის პერიოდში გაწეული სამედიცინო მომსახურების ხარჯები.

18. სადაზღვევო თანხა

18.1 ხელშეკრულების მიმდინარეობის პერიოდში მიმწოდებლის მიერ გამოყოფილი უნდა იყოს მხოლოდ შპს „თბილისის სატრანსპორტო კომპანიის“ თანამშრომლებისთვის სადაზღვევო თანხა - **50'000** (ორმოცდაათი ათასი) ლარის ოდენობით, რომლის უპირობო განკარგავაც მოხდება შემსყიდველის წერილობითი მოთხოვნით, დაზღვევით გათვალისწინებული შემთხვევებისა ან სადაზღვევო ლიმიტის ამოწურვის შემთხვევაში, ხარჯების დასაფინანსებლად.

18.2 მომსახურების გაწევის პერიოდში, 18.1 ქვეპუნქტით განსაზღვრული სადაზღვევო თანხის ნაწილობრივი ათვისების ან აუთვისებლობის შემთხვევაში, მიმწოდებელი ვალდებულია შემსყიდველს გადაურიცხოს აუთვისებული სადაზღვევო თანხა ხელშეკრულების შესრულების უზრუნველყოფის საბანკო გარანტიის ამოწურვამდე.

19. პრეტენდენტის მიმართ წაყენებული დამატებითი (აუცილებელი) მოთხოვნები:

- ანაზღაურებას ექვემდებარება ყველა სახის მომსახურება/შემთხვევა/მანიპულაცია რაც არ არის მითითებული გამონაკლისებში;
- დაუშვებელია გამონაკლისების რედაქტირება ან ფორმულირების შეცვლა;
- „თავისუფალი არჩევანი“ - სადაზღვევო კომპანიასთან შეტყობინებისა და შეთანხმების გარეშე მომსახურების მიღების შესაძლებლობა დაზღვეულის სურვილისამებრ საქართველოს ტერიტორიაზე არსებულ ნებისმიერ ლიცენზირებულ სამედიცინო დაწესებულებაში (შესაბამისი ლიმიტებით და თანაგადახდით). „თავისუფალი არჩევანი“ უნდა ითვალისწინებდეს, როგორც კლინიკის, ასევე კლინიკაში ნებისმიერი ექიმის არჩევის შესაძლებლობას;
- ოჯახის ექიმის (ექიმების რაოდენობა შეზღუდული არ არის) - მინიმუმ 5 (ხუთი) სხვადასხვა ლოკაცია პროვაიდერ სამედიცინო დაწესებულებებში (ქ. თბილისში), ასევე მინიმუმ 1 ოჯახის ექიმი (თბილისის გარდა) საქართველოს ყველა დიდ ქალაქში. მზღვეველი იღებს ვალდებულებას:
- გამოყოს შემსყიდველის თანამშრომლებისათვის ოჯახის/პირადი ექიმი ორშაბათიდან შაბათის ჩათვლით.
- **მზღვეველმა შემსყიდველს უნდა წარმოუდგინოს ოჯახის ექიმთა რაოდენობა და მათი ლოკაციის ადგილი. დაუშვებელია ოჯახის ექიმების რაოდენობის შემცირება შემსყიდველთან შეთანხმების გარეშე.**
- ანაზღაურების მარტივი სქემა:
 - 500 ლარამდე თანხის ანაზღაურება წარდგენილი დოკუმენტების საფუძველზე ერთი სამუშაო დღის განმავლობაში;
 - 500 ლარზე ზევით პირად ანგარიშზე გადარიცხვით არაუგვიანეს 10 სამუშაო დღის განმავლობაში.
 - ასანაზღაურებელი თანხის დამადასტურებელი დოკუმენტაცია გამარჯვებული კომპანიის მიერ, მიღებული უნდა იქნეს დოკუმენტის გაცემის თარიღიდან მინიმუმ 30 კალენდარული დღის განმავლობაში.
- კონტრაქტში გამონაკლისები ფორმულირებული უნდა იყოს უცვლელი სახით;
- ორსულობა მშობიარობის შემთხვევაში უნდა დაფინანსდეს აყვანილი ექიმის ხარჯები;
- გეგმიური სტომატოლოგიის ნაწილში პრეტენდენტს უნდა ყავდეს მინიმუმ 20 კონტრაქტორი (პროვაიდერი) სტომატოლოგიური პროვაიდერი თბილისის მასშტაბით, სადაც დაზღვეული შეძლებს გეგმიური სტომატოლოგიური მომსახურების მიღებას მხოლოდ ბარათისა და პირადობის დამადასტურებელი მოწმობის წარდგენის საფუძველზე.
- პრეტენდენტს უნდა გააჩნდეს მინიმუმ ერთი ანაზღაურების სერვის-ცენტრი თბილისის მასშტაბით;
- ანაზღაურების სერვის-ცენტრი, უნდა მუშაობდეს ყოველდღე გარდა კვირისა.

შენიშვნა:

- ტექნიკური პირობების მიხედვით შემოთავაზებული სადაზღვევო პაკეტი წარმოადგენს საბაზისო პაკეტს.
- ყველა შემთხვევა, რომელიც არ არის გათვალისწინებული მე-17 პუნქტში (დასაშვები სადაზღვევო გამონაკლისები, რომლებიც არ ანაზღაურდება) ცალსახად ექვემდებარება ანაზღაურებას.
- სადაზღვევო კომპანია ვალდებულია, მოთხოვნის შემთხვევაში, შესთავაზოს შემსყიდველის თანამშრომლებს, რომელთაც სურთ გაუმჯობესებული სადაზღვევო პაკეტით სარგებლობა, გაუმჯობესებული სადაზღვევო პაკეტის არანაკლებ 3 (სამი) ვარიანტი. თანამშრომლის მიერ რომელიმე გაუმჯობესებული სადაზღვევო პაკეტის არჩევის შემთხვევაში, შემსყიდველი დაფარავს საბაზისო პაკეტის ღირებულებას (ბოლო ფასის შესაბამისად), ხოლო თანამშრომელი გადაუხდის სადაზღვევო კომპანიას სხვაობას საბაზისო პაკეტის ღირებულებასა და არჩეულ, გაუმჯობესებულ (ინდივიდუალური ან საოჯახო) პაკეტის ღირებულებას შორის. შესაბამისი განცხადებით მიმართვის შემთხვევაში შემსყიდველი თანამშრომელს დაუქვითავს ხელფასიდან აღნიშნულ სხვაობას და გადაურიცხავს სადაზღვევო კომპანიას.
- გაწეული მომსახურება უნდა აკმაყოფილებდეს ამ სფეროსათვის განსაზღვრულ სტანდარტებს.

(თანამდებობა, სახელი, გვარი)

(ხელმოწერა)

პრეტენდენტის რეკვიზიტები:

პრეტენდენტის იურიდიული ფორმა და დასახელება:

საიდენტიფიკაციო/ პირადი ნომერი:

ხელმძღვანელის სახელი და გვარი:

პრეტენდენტის იურიდიული /ფაქტიური მისამართი:

პრეტენდენტის ოფისის ტელეფონის ნომერი:

მობილური ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიში:

(პასუხისმგებელი პირის თანამდებობა, სახელი გვარი)

ხელმოწერა